



### **Cadangan Penetapan Kriteria Syarat Penerbitan Pelajar**

- 1.1 Perkara 2.3, cadangan kriteria syarat penerbitan pelajar mod penyelidikan bagi memenuhi syarat pengurniaan ijazah adalah seperti berikut:
  - (i) penerbitan pelajar hendaklah berkaitan bidang penyelidikan pelajar;
  - (ii) penerbitan hendaklah dalam tempoh pengajian pelajar; dan
  - (iii) penerbitan pelajar hendaklah bersama-sama sekurang-kurangnya seorang penyelia UKM.
- 1.2 Sekiranya penerbitan dikongsi sama oleh beberapa orang pelajar UKM, maka penerbitan tersebut hendaklah mendapat pengesahan Dekan/Pengarah bahawa penerbitan tersebut mengandungi sumbangan yang signifikan daripada penyelidikan pelajar.
- 1.3 Walau apapun syarat penerbitan yang ditetapkan oleh Fakulti/Institut, paten hasil penyelidikan pelajar yang telah difailkan boleh diterima sebagai salah satu syarat penerbitan. Bagi tujuan ini, pemfailan paten tersebut hendaklah:
  - (i) mendapat pengesahan Dekan/Pengarah bahawa pemfailan paten tersebut berkaitan bidang penyelidikan pelajar; dan
  - (ii) berstatus “difailkan” dan mempunyai nombor pemfailan paten.
- 1.4 Pelajar yang belum memenuhi syarat penerbitan dibenarkan untuk menghantar tesis bagi tujuan pemeriksaan dan melalui peperiksaan lisan. Namun, pelajar hendaklah mengemukakan bukti manuskrip telah dihantar untuk tujuan penerbitan semasa menyerahkan Notis Serahan Tesis/Disertasi. Notis Serahan Tesis/Disertasi tidak akan diterima tanpa bukti tersebut.
- 1.5 Fakulti/Institut boleh memberi kebenaran bersyarat iaitu tambahan masa sehingga dua belas (12) bulan maksimum bagi pelajar melengkapkan syarat penerbitan selepas tarikh penghantaran salinan keras Disertasi/Tesis yang telah dibetulkan dan mendapat pengesahan daripada penama yang telah dipersetujui oleh Jawatankuasa Peperiksaan Lisan.
- 1.6 Tempoh maksimum dua belas (12) bulan ini adalah tertakluk kepada tempoh maksimum pengajian. Maka, pelajar yang diberikan tempoh ini dan pada masa yang sama telah mencapai tempoh maksimum pengajian hendaklah memohon tambah masa pengajian.
- 1.7 Pelajar yang tidak melengkapkan syarat penerbitan selepas tempoh dua belas (12) bulan yang tersebut adalah dianggap gagal dan akan diberi status “Gagal dan Tidak Layak dianugerahkan Ijazah”.

1.8 Tadbir urus bagi Klausula 3.2 iaitu


*“Sekiranya penerbitan dikongsi sama oleh beberapa orang pelajar UKM, maka penerbitan tersebut hendaklah mendapat pengesahan Dekan/Pengarah bahawa penerbitan tersebut mengandungi sumbangan yang signifikan daripada penyelidikan pelajar”.*

- (i) Pindaan senarai semak item 3 di dalam borang borang Notis Penyerahan Tesis/Disertasi UKM/PPPS/C/P05/AK06/02 (2018) dan/atau Notis Penyerahan Tesis untuk Pemeriksaan UKM/PPPS/C/P05/AK06/04 (2018).

Kini	Pindaan
UKM/PPPS/C/P05/AK06/02 (2018) Bukti Penerbitan/Proof of publication	Bukti Penerbitan*/ Proof of Publication*  *Penerbitan dimajukan mengandungi sumbangan signifikan/berkaitan daripada penyelidikan pelajar dan tidak digunakan untuk memenuhi syarat penerbitan pelajar siswazah lain. <i>*the submitted publication is significantly contributed from/and relevant to the student's research and is not being used to fulfill the publication requirement for another student</i>
UKM/PPPS/C/P05/AK06/04 (2018) Menepati Syarat Penerbitan	Menepati Syarat Penerbitan dan penerbitan yang dimajukan mengandungi sumbangan signifikan/berkaitan dengan penyelidikan pelajar dan tidak digunakan untuk memenuhi syarat penerbitan pelajar siswazah lain.

- (ii) Tatacara ini dimajukan dengan aspirasi menambahbaik borang sedia ada, mengurangkan penjelmaan borang baru dan meletakkan tanggungjawab ke atas Penyelia/Jawatankuasa Penyeliaan dan disemak oleh Ketua Program Siswazah/Timbangan Dekan (Siswazah)/Timbalan Pengarah di Fakulti/Institut sebelum disahkan oleh Dekan/Pengarah. Tatacara ini juga mencadangkan penilaian dua kali iaitu semasa memberi notis serahan tesis (kebiasaannya tiga bulan sebelum menghantar tesis) dan ketika menghantar notis serahan tesis untuk pemeriksaan sebelum peperiksaan lisan.
- (iii) Ketua Program Siswazah/Timbangan Dekan (Siswazah)/Timbalan Pengarah di Fakulti/Institut dikehendaki mengesahkan artikel yang dimajukan mempunyai sumbangan signifikan dengan penyelidikan pelajar melalui perbandingan abstrak tesis Pelajar dengan penerbitan tersebut.

- (iv) Ketua Program Siswazah/Timbangan Dekan (Siswazah)/Timbalan Pengarah di Fakulti/Institut boleh menggunakan khidmat pensyarah dari bidang yang sama di Fakulti/Institut bagi penerbitan yang memerlukan penilaian lanjut.



**Disediakan oleh:**  
Pusat Siswazah  
UKM Bertarikh:  
18 Mac 2021